

觀普賢行法經序

宋天竺寺沙門道式述

傳刻

序王曰茲經即法華醍醐之繼唱也  
古者法王知幾而作用無常道時而後言四十餘年大車未脂羊鹿殊軌謂權不可終用於先達雖千里始於投足吾必知其至矣且無惑焉今東掖山本如法師庶幾先覺潔心三昧願寂滅之道放聖賢而行謹信存誠九旬申盟講法華妙典修普賢妙懺佩說行之戒逃數寶之譏仍刻板印是經一萬卷有能終身日讀一卷者或多卷者跪以施之俾讀之然後知道知道然後知行知行然後知至知至然後教人自一人至千萬人自千萬人形乎無盡矧今之首我萬計其所轉教又不知若干永永之下可得而思耶大哉其讀持故受之以實於是光飛他土華紛上天暢久默之懷演一乘之道以無量義爲前序彰旣離而必合用今經爲總括明妙契而湏行緣

佛說觀普賢菩薩行法經

宋元嘉年曆無審多譯

得八

如是我聞一時佛在毗舍離國大林精舍重閣講堂告諸比丘却後三月我當般涅槃尊者阿難即從座起整衣服叉手合掌遶佛三匝而爲佛作禮胡跪合掌諦觀如來目不暫捨

是能仁善逝指會實於鷲峯次補當來請入門於重閣俾今之有大根性樂思佛道者不遠而復焉信哉斯文實法華三昧之正軌也昔天台智者初受之於南岳行之於大蘇勤之於道場證之於方便惄持炳發樂說泉涌然後儀範帝庭黼黻像運統三利之業終二嚴之備實從是而立也夫由道而至者必踵者是持佛身是持佛眼是持佛藏操佛法印印一切法成大涅槃是人具大沙門功德是人應受一切人天供養是爲法塔應遙向禮者也時天聖二年龍集甲子春二月望日序四明傳教沙門知禮詳定

長老摩訶迦葉彌勒菩薩摩訶薩亦從座起合掌作禮瞻仰尊顏時三大士異口同音而白佛言世尊如來滅後云何衆生起菩薩心修行大乘方等經典正念思惟一實境界云何不失無上菩提之心云何復當不斷煩惱不離五欲得淨諸根滅除諸罪父母所生清

那

淨常眼不斷五欲而能得見諸障外事佛告阿難諦聽諦聽善思念之如來昔於耆闍崛山及餘住處已廣分別一寶之道今於此處爲未來世諸衆生等欲行大乘無上法者欲學普賢行者我今當說其憶念法若見普賢及不見者除却罪數今爲汝等當廣分別阿

難普賢菩薩乃生東方淨妙國土其國土相雜華經中已廣分別我今於此略而解說阿難若比丘比丘尼優婆塞優婆夷天龍八部一切衆生誦大乘經者修大乘行者發大乘意者樂見普賢菩薩色身者樂見多寶佛塔者樂見釋迦牟尼佛及分身諸佛者樂得六根清淨者當學是觀此觀功德除諸障礙見上妙色不入三昧但誦持故專心修習心心相次不離大乘一日至三七日得見普賢有重障者七七日然後得見復有重者一生得見復有重者二生得見復有重者三生得見如是種種業報不同是故異說普賢菩薩身量無邊音聲無邊色像無邊欲來此國入自在神通促身令小關浮提人三障重故以智慧力化乘白象其象六牙七支柱地其七支柱生七蓮華其象色鮮白白中上者頗梨寧山不得爲比象身長四百五十由旬高四百由旬於六牙端有六浴池一一池中生十四蓮華與池正等其華開敷如天樹王一一華上有玉女顏色紅輝有過天女手中自然化五莖簇一一莖簇五百樂器以爲眷屬有五百鳥鳴鴈鷺鷟皆衆寶色生華葉間象鼻有華其莖譬如赤真珠色其華金色含而未敷見是事已復更懺悔至心諦觀思惟大乘

心不休廢見華即敷金色金光其蓮華臺是  
 巍叔迦寶妙梵摩尼以爲華鬢金剛寶珠以  
 爲華鬚見有化佛坐蓮華臺衆多菩薩坐蓮  
 華鬚化佛眉間亦出金光入象鼻中從象鼻  
 出入象眼中從象眼出入象耳中從象耳出  
 照象頂上化作金臺當象頭上有三化人一  
 捉金輪一持摩尼珠一執金剛杵舉杵擬象  
 象即能行脚不履地躡虛而游離地七尺地  
 有印文於印文中千幅轂輞皆悉具足一一  
 輞間生一大蓮華此蓮華上生一化象亦有  
 七支隨大象行舉足下足生七千象以爲眷  
 屬隨從大象象鼻紅蓮華色上有化佛放眉  
 間光其光金色如前入象鼻中從象鼻出入  
 象眼中從象眼出還入象耳從象耳出至象  
 頸上漸漸上至象背化成金鞍七寶校具於  
 鞍四面有七寶柱衆寶校飾以成寶臺臺中  
 有一七寶蓮華其蓮華鬚百寶共成其蓮華  
 臺是大摩尼有一菩薩結跏趺坐名曰普賢

身白玉色五十種光光五十種色以爲項光  
 身諸毛孔流出金光其金光端無量化佛諸  
 化菩薩以爲眷屬安庠徐步兩大寶華至行  
 者前其象開口於象牙上諸池玉女鼓樂茲  
 歌其聲微妙讚歎大乘一實之道行者見已  
 歡喜敬禮復更讚誦甚深經典偏禮十方無  
 量諸佛禮多寶佛塔及釋迦牟尼并禮普賢  
 諸大菩薩發是誓願若我宿福應見普賢願  
 尊者偏吉示我色身作是願已晝夜六時禮  
 十方佛行懺悔法誦大乘經讀大乘經思大  
 乘義念大乘事恭敬供養持大乘者視一切  
淨行法  
 人猶如佛想於諸衆生如父母想作是念已  
 普賢善薩即於眉間放大人相白毫光明此  
 光現時普賢菩薩身相端嚴如紫金山端正  
 微妙三十二相皆悉備有身諸毛孔放大光  
 明照其大象令作金色一切化象亦作金色  
 諸化菩薩亦作金色其金色光照于東方無  
 量世界皆同金色南西北方四維上下亦復

如是爾時十方一一方面有一菩薩乘六牙白象王亦如普賢等無有異如是十方無量無邊滿中化象普賢菩薩神通力故令持經者皆悉得見是時行者見諸菩薩身心歡喜爲其作禮白言大慈大悲憫念我故爲我說法說是語時諸菩薩等異口同音各說清淨大乘經法作諸偈頌讚歎行者是名始觀普賢菩薩最初境界爾時行者見是事已心念大乘晝夜不捨於睡眼中夢見普賢爲其說法如覺無異安慰其心而作是言汝所誦持志失是句忘失是偈爾時行者聞普賢說深解義趣憶持不忘日日如是其心漸利普賢菩薩教其憶念十方諸佛隨普賢教正心正意漸以心眼見東方佛身黃金色端嚴微妙見一佛已復見一佛如是漸漸徧見東方一切諸佛心想利故徧見十方一切諸佛見諸佛已心生歡喜而作是言因大乘故得見大士因大士力故得見諸佛雖得行見諸佛猶未了

了閉目則見開目則失作是語已五體投地徧禮十方佛禮諸佛已胡跪合掌而作是言諸佛世尊十力無畏十八不共法大慈大悲三念願常在世間色中上色我有何罪而不得見說是語已復更懺悔懺悔清淨已普賢菩薩復更現前行住坐卧不離其側乃至夢中常爲說法此人覺已得法喜樂如是晝夜經三七日然後方得旋陀羅尼得陀羅尼故諸佛菩薩所說妙法憶持不失亦常夢見過去七佛唯釋迦牟尼佛爲其說法是諸世尊各各稱讚大乘經典爾時行者復更懺悔徧禮十方佛禮十方佛已普賢菩薩住其人前教說宿世一切業緣發露黑惡一切罪事向諸世尊口自發露既發露已尋時即得諸佛現前三昧得是三昧已見東方阿閦佛及妙喜國了了分明如是十方各見諸佛上妙國土了了分明既見十方佛已夢象頭上有一金剛人以金剛杵徧擬六根擬六根已普賢

菩薩爲於行者說六根清淨懺悔之法如是  
懺悔一日至七日以諸佛現前三昧力故普  
賢善薩說法莊嚴力故耳漸漸聞障外聲眼  
漸漸見障外事韋漸漸聞障外香廣說如妙  
法華經得是六根清淨已身心歡喜無諸惡  
相心純是法與法相應復更得百千萬億旋  
陀羅尼復更廣見百千萬億無量諸佛是諸  
世尊各申右手摩行者頭而作是言善哉善  
哉行大乘者發大莊嚴心者念大乘者我等  
昔日發菩提心時皆亦如汝殷勤不失我等  
先世行大乘故今成清淨正徧知身汝今亦  
當勤修不懈此大乘典諸佛寶藏十方三世  
諸佛眼目出生三世諸如來種持此經者即  
持佛身即行佛事當知是人即是諸佛所使  
諸佛世尊衣之所覆諸佛如來真實法子汝  
行大乘不斷法種汝今諦觀東方諸佛說是  
語時行者即見東方一切無量世界地平如  
掌無諸堆阜丘陵荆棘琉璃爲地黃金間廁

海行法

六

都

十方世界亦復如是見是地已即見寶樹寶  
樹高妙五千由旬其樹常出黃金白銀七寶  
莊嚴樹下自然而有寶師子座其師子座高  
二十由旬座上亦出百寶光明如是諸樹及  
餘寶座一一寶座皆有百寶光明如是寶座  
一一皆有自然五百白象象上皆有普賢菩  
薩爾時行者禮諸普賢而作是言我有何罪  
但見寶地寶樹及以寶座不見諸佛作是語  
已一一座上有一世尊端嚴微妙而坐寶座  
見諸佛已心大歡喜復更誦習大乘經典大  
乘力故空中有聲而讚歎言善哉善哉善男  
子汝行大乘功德因緣能見諸佛今雖得見  
諸佛世尊而不能見釋迦牟尼佛分身諸佛  
及多寶佛塔聞空中聲已復勤誦習大乘經  
典以誦大乘方等經故即於夢中見釋迦牟  
尼佛與諸大衆在耆闍崛山說法華經演一  
實義覺已懺悔渴仰欲見合掌胡跪向耆闍  
崛山而作是言如來世雄常在世間憫念我

故爲我現身作是語已見耆闍崛山七寶莊嚴無數比丘聲聞大衆寶樹行列寶地平正復敷妙寶師子之座釋迦牟尼佛放眉間光其光偏照十方世界復過十方無量世界此光至處十方分身釋迦牟尼佛一時雲集廣說如妙法華經一一分身佛身紫金色身量

行法

七

方

無邊坐師子座百億無量諸大菩薩以爲眷屬一一菩薩行同普賢如此十方無量諸佛菩薩眷屬亦復如是大衆集已見釋迦牟尼佛舉身毛孔放金色光一一光中有百億化佛諸分身佛放眉間白毫大人相光其光流入釋迦牟尼佛頂見此相時分身諸佛一切

一切分身諸佛衆寶樹下坐師子座復見琉璃地妙蓮華叢從下方空中踊出一一華間有微塵數菩薩結跏趺坐亦見普賢分身菩薩在彼衆中讚說大乘時諸菩薩異口同音教於行者清淨六根或有說言汝當念佛或有說言汝當念法或有說言汝當念僧或有說言汝當念戒或有說言汝當念施或有說言汝當念天如此六法是菩提心生菩薩法汝今應當於諸佛前發露先罪至誠懺悔於無量世眼根因緣貪著諸色以著色故貪愛諸塵以愛塵故受女人身世世生處惑著諸色色壞汝眼爲恩愛奴故色使汝經歷三界爲此弊使盲無所見今誦大乘方等經典此經中說十方諸佛色身不滅汝今得見審實爾不眼根不善傷害汝多隨順我語歸向諸佛釋迦牟尼佛說汝眼根所有罪咎諸佛菩薩慧眼法水願與洗除令得清淨作是語已偏禮十方佛向釋迦牟尼佛大乘經典復作

是言我今所懺眼根重罪障蔽穢濁盲無所見願佛大慈哀憫覆護普賢菩薩乘大法船普度一切十方無量諸菩薩伴惟願慈哀聽我悔過眼根不善惡業障法如是三說五體投地正念大乘心不忘捨是名懺悔眼根罪法稱諸佛名燒香散華發大乘意懸繒幡蓋

臂行法八方

說眼過患懺悔罪者此人現世見釋迦牟尼佛及見分身無量諸佛阿僧祇劫不墮惡道大乘力故大乘願故恒與一切陀羅尼菩薩共爲眷屬作是念者是爲正念若他念者名爲邪念是名眼根初境界相淨眼根已復更讀誦大乘經典晝夜六時胡跪懺悔而作是言我今云何但見釋迦牟尼佛分身諸佛不見多寶佛塔全身舍利多寶佛塔恒在不滅我濁惡眼是故不見作是語已復更懺悔過七日已多寶佛塔從地踊出釋迦牟尼佛即以右手開其塔戶見多寶佛入普現色身三昧一一毛孔流出恒河沙微塵數光明一一

光明有百千萬億化佛此相現時行者歡喜偈讚遼塔滿七而已多寶如來出大音聲讚言法子汝今真竟能行大乘隨順普賢眼根懺悔以是因緣我至汝所爲汝證明說是語已讚言善哉善哉釋迦牟尼佛能說大法雨大法雨成就濁惡諸衆生等是時行者見多寶佛塔已復至普賢菩薩所合掌敬禮白言大師教我懺悔普賢復言汝於多劫耳根因緣隨逐外聲聞妙音時心生惑著聞惡聲時起百八種煩惱賊害如此惡耳報得惡事恒聞惡聲生諸攀緣顛倒聽故常墮惡道邊地邪見不聞法處汝於今日誦持大乘功德海

臂 行法九

藏以是因緣見十方佛多寶佛塔現爲汝證汝應自當說已過惡懺悔諸罪是時行者聞是語已復更合掌五體投地而作是言正徧知世尊現爲我證方等經典爲慈悲主惟願觀我聽我所說我從多劫乃至今身耳根因緣聞聲惑著如膠著草聞惡聲時起煩惱毒

更處惑著無覺停時坐此竊聲勞我神識墜  
墮三塗今始覺知向諸世尊發露懺悔既懺  
悔已見多寶佛放大光明其光金色徧照東  
方及十方界無量諸佛身真金色東方空中  
作是唱言此佛世尊號曰善德亦有無數分  
身諸佛坐寶樹下師子座上結跏趺坐是諸  
世尊一切皆入普現色身三昧皆作是言善  
哉善哉善男子汝今讀誦大乘經典汝所誦  
者是佛境界說是語已普賢菩薩復更爲說  
懺悔之法汝於前世無量劫中以貪香故分  
別諸識更處貪著墮落生死汝今應當觀大  
乘因大乘因者諸法實相聞是語已五體投  
地復更懺悔既懺悔已當作是語南無釋迦  
牟尼佛南無多寶佛塔南無十方釋迦牟尼  
分身諸佛作是語已偏禮十方佛南無東方  
善德佛及分身諸佛如眼所見一心禮香  
華供養供養畢已胡跪合掌以種種偈讚歎  
諸佛既讚歎已說十惡業懺悔諸罪既懺悔

已而作是言我於先世無量劫時貪香味觸  
造作衆惡以是因緣無量世來恒受地獄餓  
鬼畜生邊地邪見諸不善身如此惡業今日  
發露歸向諸佛正法之王說罪懺悔既懺悔  
已身心不懈復更讀誦大乘經典大乘力故  
空中有聲告言法子汝今應當向十方佛讚  
說大乘於諸佛前自說已過諸佛如來是汝  
慈父汝當自說舌根所作不善惡業此舌根  
者動惡業相妄言綺語惡口兩舌誹謗妄語  
讚歎邪見說無益語如是衆多諸雜惡業闡  
述壞亂法說非法如是衆罪今悉懺悔諸世  
雄前作是語已五體投地偏禮十方佛合掌

得  
吉

十

那

長跪當作是語此舌過患無量無邊諸惡業  
刺從舌根出斷正法輪從此舌起如此惡舌  
斷功德種於非義中多端強說讚歎邪見如  
火益薪猶如猛火傷害衆生如飲毒者無瘡  
瘍死如此罪報惡邪不善當墮惡道百劫千  
劫以妄語故墮大地獄我今歸向南無諸佛

發露黑惡作是念時空中有聲南方有佛名  
栴檀德彼佛亦有無量分身一切諸佛皆說  
大乘除滅罪惡如此衆罪今向十方無量諸  
佛大悲世尊發露黑惡誠心懺悔說是語已  
五體投地復禮諸佛是時諸佛復放光明照  
行者身令其身心自然歡喜發大慈悲普念  
一切爾時諸佛廣為行者說大慈悲及喜捨  
法亦教愛語修六和敬爾時行者聞此教勑  
心大歡喜復更誦習終不懈息空中復有微  
妙音聲作如是言汝今應當身心懺悔身者  
殺盜淫心者念諸不善造十惡業及五無間  
猶如猿猴亦如鯛膠麁貪著偏至一切六  
情根中此六根業枝條華葉悉滿三界二十  
五有一切生處亦能增長無明老死十二苦  
事八邪八難無不經中汝今應當懺悔如是  
惡不善業爾時行者聞此語已問空中聲我  
今何廸行懺悔法時空中聲即說是語釋迦  
牟尼名毗盧遮那遍一切處其佛住處常得

得

行法

十一

方

寂光常波羅蜜所攝成處我波羅蜜所安立  
處淨波羅蜜滅有相處樂波羅蜜不住身心  
相處不見有無諸法相處如寂解脫乃至般  
若波羅蜜是色常住法故如是應當觀十方  
佛時十方佛各申右手摩行者頭作如是言  
善哉善哉善男子汝今讀誦大乘經故十方  
諸佛說懺悔法菩薩所行不斷結使不住使  
海觀心無心從顛倒想起如此想心從妄想  
起如空中風無依止處如是法相不生不沒  
何者是罪何者是福我心自空罪福無主一  
切諸法皆亦如是無住無壞如是懺悔觀心  
無心法不住法中諸法解脫滅諦寂靜如是  
想者名大懺悔名莊嚴懺悔名無罪相懺悔  
名破壞心識懺悔行此懺悔者身心清淨不  
住法中猶如流水念念之中得見普賢菩薩  
及十方佛時諸世尊以大悲光明為於行者  
說無相法行者聞說第一義空行者聞已心  
不驚怖應時即入菩薩正位佛告阿難如是

行者名爲懺悔此懺悔者十方諸佛諸大菩薩所行悔法佛告阿難佛滅度後佛諸弟子若有懺悔惡不善業但當讀誦大乘經典此方等經是諸佛眼諸佛因是得具五眼佛三種身從方等生是大法印般涅槃海如此海中能生三種佛清淨身此三種身人天福田應供中最其有讀誦大方等典當知此人具佛功德諸惡永滅從佛慧生爾時世尊而說偈言

若有眼根惡 業障眼不淨 但當誦大乘  
思念第一義 是名懺悔眼 盡諸不善業  
耳根聞亂聲 壞亂和合義 由是起狂亂  
猶如癡猿猴 但當誦大乘 觀法空無相  
永盡一切惡 天耳聞十方 鼻根著諸香  
隨染起諸觸 如此狂惑鼻 隨染生諸塵  
若誦大乘經 觀法如實際 未離諸惡業  
後世不復生 舌根起五種 惡口不善業  
若欲自調順 應勤修慈心 思法真寂義

得行法

十二

那

無諸分別相 心想如猿猴 無有暫停時  
若欲折伏者 當勤誦大乘 念佛大覺身  
力無畏所成 當勤誦大乘 當勤誦大乘  
六賊游戲中 自在無罣礙 身爲機關主  
未離諸塵勞 如塵隨風轉 若欲滅此惡  
當誦大乘經 常處涅槃城 安樂心憺怕  
從思實相得 念諸菩薩母 無量勝方便  
一切業障海 皆從妄想生 若欲懺悔者  
端坐念實相 如此等六法 名爲六情根  
是故應至心 懈悔六情根 說是偈已  
佛告阿難汝今持是懺悔六根觀普賢菩薩  
法普爲十方諸天世人廣分別說佛滅度後  
佛諸弟子若有受持讀誦解說方等經典應  
於靜處若在塲間若林樹下若阿練若處讀  
誦方等思大乘義念力強故得見我身及多  
寶佛塔十方分身無量諸佛普賢菩薩文殊  
師利菩薩藥王菩薩藥上菩薩恭敬法故持  
諸妙華住立空中讚歎恭敬行持法者但誦

大乘方等經故諸佛菩薩書寫供養是持法者佛告阿難我與賢劫諸菩薩等及十方諸佛因思大乘真實義故除却百萬億劫阿僧祇數生死之罪因此勝妙懺悔法故今於十方各得爲佛若欲疾成阿耨多羅三藐三菩提者若欲現身見十方佛及普賢菩薩當淨澡浴著淨潔衣燒衆名香在空閑處應當讀誦大乘經典思大乘義佛告阿難若有衆生欲觀普賢菩薩者當作是觀作是觀者是名正觀若他觀者是名邪觀佛滅度後佛諸弟子隨順佛語行懺悔者當知是人行普賢行普賢行者不見惡相及惡業報其有衆生晝夜六時禮十方佛誦大乘經思第一義甚深空法一彈指頃除却百萬億阿僧祇劫生死之罪行此行者真是佛子從諸佛生十方諸佛及諸菩薩爲其和上是名具足菩薩戒者不須羯磨自然成就應受一切人天供養爾時行者若欲具足菩薩戒者應當合掌在

釋行法

十三

耶

空閑處偏禮十方佛懺悔諸罪自說已過然後靜處白十方佛而作是言諸佛世尊常住世我業障故雖信方等見佛不了今歸依佛惟願釋迦牟尼正偏知世尊爲我和尚文殊師利具大慧者願以智慧授我清淨諸菩薩法彌勒菩薩勝大慈日憐憫我故亦應聽我受菩薩法十方諸佛現爲我證諸大菩薩各稱其名是勝大士覆護衆生助護我等今日受持方等經典乃至失命設墮地獄受無量苦終不毀謗諸佛正法以是因緣功德力故今釋迦牟尼佛爲我和尚文殊師利爲我阿闍梨當來彌勒願授我法十方諸佛願證知我大德諸菩薩願爲我伴我今依大乘經甚深妙義歸依佛歸依法歸依僧如是三說歸依三寶已次當自誓受六重法受六重法已次當勤修無礙梵行發曠濟心受八重法立此誓已於空閑處燒衆名香散華供養一切諸佛及諸菩薩大乘方等而作是言我於

今日發菩提心以此功德普度一切作是語已復更頂禮一切諸佛及諸菩薩思方等義一日乃至三七日若出家在家不湏和上不用諸師不白羯磨受持讀誦大乘經典力故普賢菩薩勸發行故是十方諸佛正法眼目因由是法自然成就五分法身戒定慧解脫得行法

解脫知見諸佛如來從此法生於大乘經得受記莉是故智者若聲聞人毀破三歸五戒及八戒比丘戒比丘尼戒沙彌戒沙彌尼戒式義摩尼戒及諸威儀法愚癡不善惡邪心故多犯諸戒及威儀法若欲除滅令無過患還爲比丘具沙門法者當勤修讀方等經典思

第一義甚深空法令此空慧與心相應當知此人於一念頃一切罪垢求盡無餘是名具足沙門法式具諸威儀應受人天一切供養若優婆塞犯諸威儀作不善事不善事者所謂論說佛法過惡論說四衆所犯惡事偷盜潘洗無有慚愧若欲懺悔滅諸罪者當勤讀

誦方等經典思第一義若王者大臣婆羅門居士長者宰官是諸人等貪求無厭作五逆罪謗方等經具十惡業是大惡報應墮惡道過於暴雨必定當墮阿鼻地獄若欲除滅此業障者應生慚愧懺悔諸罪云何名爲刹利居士懺悔罪法懺悔法者但當正心不謗三寶不障出家不爲梵行人作惡留難應當繫念修六念法亦當供給供養持大乘者不必禮拜應當憶念甚深經法第一義空思是法者是名刹利居士修第一懺悔第二懺悔者孝養父母恭敬師長是名修第二懺悔第三懺悔者正法治國不邪枉人民是名修第三

懺悔第四懺悔者於六齋日勑諸境內力所及處令行不殺修如此法是名修第四懺悔第五懺悔者但當深信因果信一實道知佛不滅是名修第五懺悔佛告阿難於未來世若有修習如此懺悔法當知是人著慚愧服諸佛護助不久當成阿耨多羅三藐三菩提

說是語時十千天子得法眼淨彌勒菩薩等  
諸大菩薩及以阿難聞佛所說歡喜奉行

佛說觀普賢菩薩行法經

八 得

問經云樂波羅蜜滅受想處據何得  
知經文是悞改云淨波羅蜜滅有相  
處耶釋曰佛法不思議住教相難解  
吾祖天台親證尚云是難況末學輩  
而敢擅改佛經今云悞者一據福州  
藏中古板二憑妙樂記主明文三準  
法華箋難消釋四據孤山法師行法  
經疏釋云初以四德釋常次以解脫  
釋寂後以般若釋光常即不迂不變  
故曰攝成我即自在周遍故曰安立  
淨即二邊不染故曰有相樂即無內  
外逼惱故曰不住身心四處之文並  
云淨波羅蜜滅有相處而不云樂與

受想所云滅有相者由二邊即中本  
性無染以顯法身淨德受想是心數  
釋法身中淨德其義恐殊唯是橫山  
新疏不觀古校違却疏記明文望名  
釋義沿流既久唯明眼者可以鑒之  
寶嚴寺傳教比丘 葉勤言